



Broj: 13/01-05-8918/16  
Sarajevo, 14.04.2016. godine

## SKUPŠTINA KANTONA SARAJEVO

### O v d j e

#### **PREDMET: Odgovor na zastupnički inicijativu zastupnika Hamed Aljović, dostavlja se**

Zastupnik Hamed Aljović je na 13. Radnoj sjednici Skupštine Kantona Sarajevo, održanoj 30.03.2016. godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovnikom Skupštine Kantona Sarajevo, pokrenuo zastupnički inicijativu:

"Da Ministarstvo za rad, socijalnu politiku, raseljena lica i izbjeglice preduzme sve zakonske mogućnosti, kako bi pomogli četverečlanoj maloljetnoj porodici Dedović iz ilidžanskog naselja Osjek, koji žive u izuzetno teškim uslovima, bez majke i oca i da o poduzetim aktivnostima obavjesti Skupštinu Kantona Sarajevo."

### ODGOVOR

Na osnovu podataka dostavljenih Ministarstvu za rad, socijalnu politiku, raseljena lica i izbjeglice od strane JU "Kantonalni centar za socijalni rad" - Služba socijalne zaštite općine Ilijadža do kojih je ista došla neposrednim radom na terenu i u ostvarenoj komunikaciji sa Dedović Mirsadom, a vezano za porodicu Dedović, ul. Nadosjek do br. 149., informišemo Vas o slijedećem:

Tokom trajanja bračne zajednice između Dedović Halima i Dedović rođene Đedović Rusmire je rođeno četvero djece i to: Dedović Mirsad, Dedović Jasmin, Dedović Hilmo i Dedović Jasmina. Dedović Mirsad je rođen 08.07.1996. godine u Sarajevu, sada već punoljetan i narušenog zdravstvenog stanja. Imenovani na adresi Nadosjek do br.149, općina Ilijadža, nakon smrti roditelja živi u zajedničkom domaćinstvu sa bratom Dedović Jasminom, koji je rođen 19.03.2003. godine u Sarajevu, učenik VII razreda JU „Peta osnovna škola“ u naselju Sokolović Kolonija, bratom Dedović Hilmom koji je rođen 06.01.2007. godine u Sarajevu, učenik II razreda JU „Deseta osnovna škola“ u naselju Osijek i sestrom Dedović Jasminom koja je rođena 02.12.2010. godine u Sarajevu i ista bi u septembru 2016. godine trebala upisati prvi razred osnovne škole. Zbog smrti supruge Dedović Rusmire, od strane socijalnog radnika Službe socijalne zaštite općina Ilijadža, Dedović Halim je upućen da dostavi dokumentaciju za jednokratnu novčanu pomoć u skladu sa Zakonom o socijalnoj zaštiti, zaštiti porodice sa djecom i zaštiti civilnih žrtava rata („Službene novine Kantona Sarajevo“, broj 38/14 - Prečišćeni tekst), te se došlo do saznanja da je isti bio zaposlen u privatnoj firmi, ali zbog bolesti srca i predloženog operativnog zahvata u inostranstvu od strane nadležnog ljekara, više nije mogao obavljati različite fizičke poslove, te je dao otkaz u maju mjesecu 2012. godine od kada se nalazio na evidenciji JU "Služba za zapošljavanje Kantona Sarajevo" Sarajevo, u statusu nezaposlenog lica. Zbog vrste bolesti i stepena oboljenja imenovani je ostvario pravo na invalidsku penziju u iznosu od 326,00 KM. Pored ostvarenog prava na penziju porodica se izdržavala i od ostvarenog prava na dječiji dodatak na ime mlđe djece putem nadležne općinske službe u mjesecnom iznosu od 198,00 KM.

Porodica Dedović je od strane Općine Ilijadža prije pet godina dobila na korištenje građevinsko zemljište površine 415 m<sup>2</sup> na kojem je od strane donacija izgradena kuća do prve ploče, te je za istu, prema navodima Dedović Mirsada, podnesen zahtjev za legalizaciju.

Dana 07.03.2016. godine, a u sklopu rada sa pomenutom porodicom, uposlenici Službe socijalne zaštite općine Ilijadža (socijalni radnik, psiholog) su posjetili porodicu Dedović kojom prilikom su obavili razgovor sa Dedović Razijom, sestrom Dedović Halima u sklopu kojeg su došli do saznanja da je to jutro imenovani preminuo. Nakon tog saznanja isto je sugerisano da se po rješavanju svih pitanja vezanih za regulisanje ukopa brata što prije javi u Službu socijalne zaštite općine Ilijadža u cilju rješavanja statusa mldb.djece koja su nakon smrti oca ostala bez roditeljskog staranja. Tom prilikom imenovana je navela da ona živi u neposrednoj blizini (kuća pored kuće), te da je od momenta smrti majke djece, stalno prisutna u životu svog brata i njegove djece i da želi da preuzme brigu o istim.

U ostvarenoj komunikaciji Dedović Mirsad, kao najstariji brat, izjasnio se da on ne želi da se odvaja od svoje braće i sestre, niti želi da se isti smjeste u ustanovu socijalne zaštite, već da bi volio da brigu o njima preuzme tetka po ocu Dedović Razija. Sa Dedović Razijom se tom prilikom obavio razgovor i ista je navela da ni ona ne želi da se djeca razdvajaju, da ukoliko postoji mogućnost i ukoliko to Dedović Mirsad želi ona bi preuzela brigu o njemu i njegovoj braći i sestri, te su isti kategorični u stavu da mldb.djeca ostanu u okviru porodice, kao i da ne bi dozvolili bilo kakvo institucionalno zbrinjavanje. Imenovanima je tom prilikom prenešeno na koji način i kome da se obrate u cilju regulisanja prava na porodičnu penziju iza preminulog oca, pravo na zdravstvenu osiguranje, te nastavak ostvarivanja prava na dječiji dodatak. Istima je od strane socijalnog radnika dat zahtjev za ostvarivanje prava na izuzetnu novčanu pomoć, uz napomenu da im Služba socijalne zaštite općine Ilijadža stoji na raspolaganju oko prikupljanja potrebne dokumentacije.

Od momenta saznanja da su isti ostali bez roditeljskog staranja, tačnije od dana 07.03.2016. godine poduzete su određene aktivnosti iz nadležnosti Službe socijalne zaštite općine Ilijadža, a koje su u skladu sa zakonskim propisima tako da su mldb.djeca Dedović Jasmin, Hilmo i Jasmina stavljeni pod starateljstvo, a za staratelja imenovana tetka po ocu Dedović Razija.

Služba socijalne zaštite općine Ilijadža stoji na raspolaganju da osim predviđenih zakonskih radnji koje regulišu starateljstvo, smještaj u drugu porodicu, te drugih materijalnih primanja i dalje permanentno pruža aktivan psihosocijalni suport porodici, a naročito mldb.djeci tokom nastavka njihovog školovanja. Shodno navedenom već je ostvarena saradnja sa školama koju djeca pohađaju kako bi uz aktivniju saradnju pomenutih ustanova i bolji školski uspjeh djece, pravovremeno se otklonile sve eventualne poteškoće vezane za školovanje mldb.djece. U narednom periodu Služba socijalne zaštite općine Ilijadža će aktivno biti uključena u sve aspekte i plan zaštite ličnosti i interesa mldb.djece, kroz predmete starateljstva i smještaja u drugu porodicu i kroz aktivnosti i saradnju sa svim drugim relevantnim institucijama koje mogu biti suportivne kada su u pitanju mldb.djeca Dedović.

Pripremila: Jasmina Helać, stručni savjetnik *H. Helac*  
Kontrolisala: Cica Pljevljak, šef Odjeljenja za socijalni rad  
i socijalnu zaštitu *Cica Pljevljak*



Dostaviti:

1. Naslovu,
2. Stručna služba Vlade Kantona Sarajevo,
3. a/a.

